

白鶴山房詩鈔

白鶴山房詩鈔卷十四

歸安葉紹本仁甫

古今體詩六十一首

于役保陽道中疊歲除韻

條風初拂轉行輶，尚有層冰積道周。
俗雜燕齊留古戍，地兼河海佇良籌。
霜凝微白明牛背，日晃殷紅射馬頭。
却指舊痕鴻爪在，吟齋猶憶兩梧楸。

奉酬蘭雪同年見懷之作

交風述職憶荆班，輶輶旌輿未許閒。
近監敢言金似粟，報恩彌凜令如山。
故人詩思梅花外，漫仕情懷竹石間。
索米莫愁饑曼倩，免教侵曉敬當關。

咏物四首和陶鳧香太守韻

老樹

高柯那憚雪霜侵
養就名材聳百尋
幾簇濃煙留月久
一痕翠色與秋深
休疑斷木埋幽壑
曾記枯槎泛海濤
手種成陰彈指事
滋培應慰昔年心

老牆

何年版築委煙塵
故址摧頽認未真
遠榭漫欹紅杏影
芳園不隔綠楊春
閒情空付流螢照
短夢渾迷戲蝶身
聞道阿房餘瓦礫
舊基指點說咸秦

老石

雨漬雲霾絕澗邊
玉堂休問過來年
用虞道園詩意落星化後光芒在
飲羽穿將骨相堅
陳迹何妨摩薜碣
皴痕試與染松煙
鬱林家世清芬久
貞性從知自信天

老屋

不須綺閣慕紛華
嘯咏衡茅願豈差
江上小堂高士宅
村邊獨樹老夫家
閉門綠竹千竿古
隱几青山一桁斜
清絕織簾餘故里
瑣窗朱戶任人誇

再疊鳧香韻

老樹

翠藤婁絡幹相侵
漢爵秦官此際尋
山寺客吟蒼靄暮
谿堂人坐綠煙深
劇憐擁腫荒巖畔
却愛婆娑野水潯
何處高門垂廣蔭
熊羆風撼最驚心

老墻

重垣那復障香塵
露檻風亭入望真
甲第粉圍今幾葉
戊屯城峙定千春
苔斑暈滿迷花影
松徑根欹隱樹身
卻意舉鞭尋廢

自注四上房金卷二四
二
圃坡翁遺咏在邠秦

老石

浪花曾漱五湖邊
憶否奇章甲乙年
江國鷗波三品貴
山亭鵲印一拳
堅支機地古沈寒
月懸鏡痕深照夕
煙莫訝溜穿蛭蛙
久九華原自幻壺
天

老屋

休嫌蓬華閱年華
壘石編籬計不差
野蔓盤窗詞客句
春江入戶釣人家
高林任轉新鸞巧
古巷閒飛舊燕斜
好夾清漳同結宅
青楊何妥不須誇

送俞茗琴侍御按視漕河卽次花朝見贈原韻

秋水爲神不染塵
天涯把臂話前因
心知舊結雲霞契
手版深慚襍人故國
蹟花勞遠夢長隄
柳色暎通津使星
明處滄瀛

近芳訊憑傳六六鱗

銅雀瓦硯歌爲郭小陶文學作次歐陽文忠韻

土花半蝕苔斑銷四角下偃中央高老奸遺蹟不自匿坐令千
載猶堅牢桓靈當時亂天紀法令苛譬如牛毛金椎一失四海
沸遂教孽孽爭包然名爲漢輔實漢賊九錫畢竟何勲勞老烏
長距攫龍種蠶食奚止禾生蚰幽囚野死託禪讓齊東鄙語將
臣堯是真萬古一變格大江赤壁歌檀槽快哉獅子制江左錦
帆差得乘風颺誰云絕藝擅文武我知慚愧王東皐用趙山句斯臺
晚構吁可醜雕甍盡棟陵峇峇淫昏獸行老尤詩臨死尙欲羅
織腰至今漳流每嗚咽西陵松柏徒蕭蕭此瓦何年落君手數
行題字徵前朝三十九錢買何易鴛鴦不敵宮中蒿銘辭款識
尙完好劫火未被咸陽燒封以離石儷卽墨麝煤香沁成微凹

我思此物蹟何穢奸雄遺臭汚霜毫亟宜培擊委草莽紫陽書
法庶勿淆胡爲世人競珍賞巾箱藏虔緹素包得無嗜古等痴
癖凡繭亦詫仙絲纈復思建安盛文士風骨自昔迴狂濤借茲
濡筆褫奸魄傑句亦足消羣妖君材干莫初出匣霜氣凜凜昆
吾刀貨泉猶是赤精制錢一收子其永寶珍瓊瑤

題金容川問僧圖

黃花翠竹總澄觀彈指華嚴法界寬何處現來金粟影光音合
向定中看

枯禪相對語相磨妙諦誰探最上乘會得迦維真實義須知無
我亦無僧

又題金容川小像

像作袒腹狀

惟大圓覺具善知識幻身幻塵四大和合此中洞然須彌可攝

現光明珠在水晶域鼓腹披襟游極樂國啞彼佛澄但以絮塞

題陳易庭

蘭瑞學琴圖卽送其還新城

幽澗泉松風吟泠泠七弦清我心揚白雪涉綠水微音淡弄出
君指空山無人萬籟沈就中悟得成虧理君才淵雅如中郎鳳
音中律鳴歸昌斜川有集繼坡老曾侍編禮彈文王今君行行
向故國西江山水真吾宅試取明徽發古音柔艸一聲江月白
以尊酒貽茗琴漕使卽和見贈原韻

繡衣風采耀河濤盃酒形骸託故人落紙雲煙驚筆健題襟花
月見情真冲懷早挹醇醪味佳釀慚無麴米春亟取一瓶償宿
諾碧蕩曾壓越溪新

和茗琴侍御約看海棠不果之作

劇譚中夜酒微醺回首春光憶昔聞自是風流追老輩扶輪大

雅又逢君

鴻雪同留沽水隈芳晨喜共一尊開不須惆悵花時過尙有穠

香翠袖偎

海棠已過牡丹行將開矣

題周衣谷鴻臚出山圖

曼胡之纓衣短後書生仗劍從戎走一朝朱鷺奏饒歌解甲歡
聲騰隴右搖鞭挾策度崔巍東方千騎何雄哉兒童拍手老翁
喜使君平賊西南來使君本是清疆吏化俗文翁有餘思獨將
儒術靖櫓槍十萬甲兵在胸次今君芟製樂林泉屏翰勲名紀
朔邊試與披圖尋舊夢春風花柳滿秦川

古樂府一篇爲烈女鄧姚氏作

女河南洛陽人字鄧氏子出游不歸女誓死隨鄧氏

事舅姑盡孝會姑病歿女乃難經以殉

女姚家洛陽幼嫻母訓織紵縫裳年未踰笄父母以字人爲定

厥祥解一所適爲誰鄧氏子天壽其名出游之四方東西南北莫

知所經嗟哉淑女何伶俜解二父母聞之大恚怒欲爲女改適新

婚非故女獨不欲生身已許鄧安得事二姓解三迺從女志歸于

夫家出入空房所奉惟舅姑甘旨滫髓朝夕母解四敢渝舅姑樂

之無子而有子提壺汲井戰瘕十指嗟嗟淑女孝如此解五天胡

不弔姑病弗瘳哀毀柴瘠我心則憂妾無夫翁無妻笑笑子立

曷能朝夕相扶持解六嗚呼傷哉妾命實不辰人世無復之不如

從姑黃泉疾風吹折蘭蕙枝畢命朱絲緡解七戚郇嗟痛謂女何

其良愧彼庸夫嗜利而貪生從一而終禮非過情他年綽楔干

青冥解八

題菽蘭課子圖爲王澹音女史作監離大使楊雲在之室

春風被簷楹淑氣氾階屺中有舉案人相對樂書史叢蘭何菁

菑香意澹於水愛此犀角兒騏驎日千里
樛木頌賢聲鴈鳩咏芳軌清娛伴晝閒
公言綠衣儼柳花舞如雪庭藥開如綺
入室總同心全家國香裏

喜雨呈俞荅琴漕使即用送酒原韻

甘膏如沐浹通津快聽村氓說
兩人迎夜劇知優渥徧請天始
信禱祈真一篙綠漲丁沾活萬隴
青搖子粒春莫訝鋒車敷化
速元和詩句最清新

二十三日復雨再和荅琴仍次前韻

天瓢傾灑潤煙津擊楫歌高快
榜人濺玉波恬飛輓速連珠句
寫性情真法雲端藉三摩力
召僧誦經極虔化雨能滋萬
實春蜀君視學我愧煮薪多俗狀赤龍白虎讓詞新

過水西莊故址

一代才名重顧廚祇今林壑久荒蕪垂藤古樹臨溪石猶見珠
槃雅集無

茗琴以評字韻見柬率和奉答

搏沙人事幾回更蘭契重聯笑語并講舍並依書帶綠

同出劉文恪公

之使輶同賦玉壺清先後出蜀題襟乍慰三秋夢傾蓋剛逢廿載

羸余于庚申歲始識君此日西窗欣對雨無邊風景任閒評

感懷一首再疊前韻

蕭齋支枕聽蛙更默數生平百感并鬢影祇添相鏡白頭銜早
負璧班清浮名難助終奚補素志羔裘敢取羸回首尊鱸風味
好滄江煙月任嘲評

茗琴爲詩敏而且工劇壘致師深愧弗及旣屢辱和章率

三疊前韻奉柬

十手傳鈔吏數更由來詩筆杜韓并華榮棣鄂家聲遠職歷蘭
臺物望清行水平當籌濟距飛芻劉晏課奇贏滄江虹月尤堪
羨繭紙苔碑細品評

烏夜啼和郭小陶韻

霜天陣急暮煙昏子夜詩情孰與論萬里關河餘幕影六朝城
堞認巢痕玉顏空老長門色銀箭頻驚遠道魂莫向遺編徵往
事椒風故里但荒村

茗琴三疊評字韻再和奉答

促膝頻看月琯更元方真見二難并銅川家世畱芬久玉礪雲
山得氣清倚馬每欣飛短札鳴蜩倏已屆長贏使君才思羅千
古食貨河渠史細評

茗琴見和烏夜啼詩率疊韻奉酬

啞啞聲徹晚鐘昏古意應從樂府論一闕青琴緘舊怨三更畫
角寫秋痕上林定借何枝宿野戍真銷欲別魂聞道昇平羣集
槩桂巢新見結雲村

高陽故城懷古

斷垣如玦草萋萋殘堞猶存往蹟迷田水聲中聞蛤吠樹煙濃
處任烏啼難將興廢稽青簡惟見耕耰遍碧畦輶乘經行頻弔
古南朝塘灤指荒隄高陽爲宋時邊境

題徐竹所詩集

石氣空山落木深海天宵渺伯牙琴誰知茅屋滄江畔獨有人
間正始音

過莫州感公孫瓚事

炎精旣銷四海沸梟雄並起窺神器是何蛙井學子陽趙北燕

南大如礪令支小吏本名家年少丰姿玉並誇母姓微無青瑣

第師門學溯絳帷紗

瑣爲盧植弟子

從戎遼海初乘障刁斗聲中數驍

將霹靂弓彎塞草腓伏飛劍砍天山壯威名從此震烏桓白馬

星馳北部寒齋土亭侯分鵠印望塵邊騎避雕鞍黃巾賊起清

漳北妖醜遙連黑山黑此時轉戰賴將軍蹴踏羣魔掃蠱騰攫

甲提戈蓋世雄勤王元不愧精忠誰知幽薊全歸後坐視山河

唾手中易京高築城如鐵積穀千倉粟堆雪鶉雀真萌咎地心

螳螂欲奮當車轍朱樓天半鬱峻岫不任貔貅任美人大聲宣

令傳出入細腰那學魑顏噴列營盡是蠻韓隊未信褰裙李波

妹只聽吳宮笑語喧都無越女純鉤淬一旦梯衝舞井幹瑤臺

頃刻化飛煙絳脣珠貌三千指驚血同悲蜀國絃繁華一瞬成

荒僻寂寞空城傍孤驛社火猶明扇鵲祠故宮難問狐狸蹟我

來行發訪遺蹤惆悵平田薺麥濃
翬畧原非江左獬雄姿詎比
慕容龍長波渺渺連瀛渤何限興亡
弔寒月誰道搖鞭官渡入
洛川也賦凌波鞵劉蹶曹顛莫細論
桑田滄海幾朝昏信天獨
有沙頭鳥闕盡蒼煙野水痕

以子鱗糟豚餉莒琴侍御承惠佳章率依韻奉答

也抵尖團換兩詩

一詩換得兩尖團東坡句

坡翁興趣定誰知分明若雪溪

山意二寸湖魚佐舉卮

子鱗絕似吾鄉逆魚

宦海浮沈閱歲華當年同泛客星槎
豚蹄願比農人祝萍蹟終

期合水涯

時君將返節還朝

題周石屏刺史陳思王帖跋真蹟爲衣谷鴻臚和朱永齋

同年韻

石屏刺史君之曾叔祖

黃初稽舊蹟皎若辨澠滄名著嘉禾闕書傳
壘曰碑清芬餘捧

硯家法擅臨池尺素應千古甘棠績共垂

茗琴侍御將還朝以詩畱別情見乎詞次韻奉酬

雷陳風謚抵連牀入室蘭薰引籟涼
冷水波清明介節鬱林石
冷羨歸衰朝

天行見榮騶輻按部真堪記錦堂

君注籍京師而持節近在願章武亦古人畫錦之榮也

詠雲龍逐東野君才旦晚荷虹梁

題周蕙農鋤棘草後

大合人原籍洞庭山

舒卷晴雲漾遠天香芸珍重護瑤編
石公山色濃於染寫入霜毫化碧煙

行間壁繪字泉珠好句應從妙悟餘
知是華陽耽隱趣金庭早

讀枕中書

周椅下醫

題趙秋谷宮贊詩後

才華一代擅營邱出匣龍泉歐冶鉤莫怨強臺身未上名山君
已占千秋

漂流湖海李商隱放逐滄浪蘇舜欽自古名賢多遭忌陽春誰
賞伯牙琴

賀陳石士同年遷司業

觥觥講席領諸儒誰道詩仙骨相癯議禮三雖稽典則橫經六
館聚生徒朱衣何允崇班列石鼓昌黎健筆濡從此休嫌冰署
冷棠梨花底聽傳呼

國子監有棠梨樹視其陰
移則散衙見虞學士集

秋日園中口占

涼雲淦淦水微波已是三旬溽暑過藤蔓盤青穿瓦長苔絲挂
綠上牆多蕭寥劇愛鳴風竹淅瀝偏空聽雨荷放罷衙參聊隱
几此身何日伴煙蘿

讀宋牧仲先生集題後

少年讀公詩企公芳躅久滄浪水半陂誅茅傍魚笱及我官通
潞持斧隨公後治具百不能未敢虐黔首漫堂緬往迹遺構早
頽朽尙有清芬存餘馨發花柳公名山嶽尊監司暫結綬未幾
建高牙雲旗捎北斗豫章及勾吳遺愛在童叟暇則弄詞翰清
詩膾人口而我復何爲十載牛馬走食粟凜鵠梁筦算到窶藪
繁霜將滿頰金印那繫肘去公真霄淵曷敢詡尙友獨餘佳句
耽蝦蟹習已狂默坐撥陰何儷采百字偶庶幾接辦香未肯踏
塵垢亭亭述鹿軒窅窅來鶴鴈公撫吳時所築安得掛輕帆醉公一杯
酒

秋夕小集意園和董立方趙雲友兩孝廉韻

涼生遠樹引歸禽勝侶招邀愜素心人意總如霜菊澹年光暗

與晚楓深玉杯蕃露需三策鐵笛高樓試一吟促坐喜聯今舊
雨憑誰畫幘寫秋林

疊前韻奉酬雲友世講

早聞奇慧辨家禽果見陰何苦用心傳硯共徵先澤遠拜牀彌
感舊情深風花回首餘塵夢珠玉盈眸快朗吟慚愧高軒歌李
賀枯槎那比錦爲林

曾向空春聽囀禽廿年空抱耐官心誰令風力搏霄健漸恐霜
華染鬢深白雪調高憐郢曲綠波春暖憶吳吟祝君努力爲時
用莫但浮夸賦上林

蘇詩三賦先
生多誕夸

海昌周貞女詩

字楊生未
婚守志

獨抱冰霜節貞心可勵頑青廬儀未舉丹穴行能攀志自高梁
婦魂幾逐華山汝南畱世德彤管紀編爛

委贄宜從一純臣大節同情緣詩教正義補禮經窮石欲填東

海環真徹北宮曾褒陰氏烈願以播

皇風

冰水蘭孫氏守正捐軀事閱七十年余觀察清河始爲請旌

和趙樹山比部見贈三疊前韻

風急高原起驚禽駢征如見使臣心玉堂翰墨畱芳久粉署平
反用意深紅樹乍明章武渡白雲合繼弇州吟君家族望多方
雅早識門材重竹林君爲甌北味辛兩先生族孫

題廣桂亭方伯四時清景圖

和風被東臯農事春始動綠野策烏犍一犁煙雨重先生善養
民膏澤在阡隴勸耕杏花村逸事公其踵

萬頃碧琉璃陂塘本無夏喚得總宜船煙雲爲裝駕沿隄綠蓋
擎隔渚紅衣卸何處泰娘歌簫聲出林罅

斯人真古人餐英寄微尚長嘯疎林間氣與高秋壯弄風馬忽
跑鳴髀弦乍抗蘭綺憶家聲勲門幾將相
同雲蔽遙岑彌望界天白枯吟坐茅屋沒砌已盈尺何人載酒
來牆外聞響屐寒梅著花不關心問山驛

題趙序堂夫子秋林讀書圖

卅年臺館重靈光四海爭知鶴鬢霜用劉景文東坡句萬軸雲籤羅縹

素一林霜葉自丹黃藏山業已高遷史通德名真媿鄭鄉最是

超宗能繼美五車學早富青箱坡詩五車書已畱兒讀

輜駟

天許賦歸田祖帳東門樂事偏剡曲陂塘娛祕監華陽樓閣羨

神仙考亭講義參庭竹濂水心期契沼蓮先生主講蓮池書院我愧侯芭

曾問字緇林何日證薪傳

顧南雅學士同年以所畫墨梅見貽率賦長句爲謝

鹽官持籌正喧歌忽漫冷香雲外墮却思北地無此花素練光
浮羣玉朵苔枝鐵幹直復斜筆勢擎攫蟠龍蛇寒瓊瘦粉著枝
畔生趣橫溢跗相加一枝仰擎一枝俯冷蘂枯槎相媚嫵孤山
處士骨峻嶒羅浮仙人態容與就中一枝質鍊霜恐是廣平鐵
石腸深山老礪凍不折勁氣直欲凌穹蒼主人本是蓬萊客明
月襟懷心雪白偶拈秃管寫橫枝虛室寒生老蛟脊我慚疎拙
百不能一官飽繫清于冰玉堂舊夢杳難到歸思每逐南枝興
感君贈我殊有意雪後園林得高致何時山徑快攜筇滿地寒
香襲衣袂吾家本在吳越間賃廬亦到皋橋邊他年共索巡檐
笑銅井山前好繫船

畱雲友孝廉小飲畱節送其北上爲賦長句用畱別原

朔風蕭寥振林莽沽上層冰曳車轡高齋有客昂然來雄辨當
筵驚抵掌過江名族簿閱高小同經訓傳詞曹摩霄之鵠出林
鵠雲天空闊隨游翱網羅千古平生志太史文章有奇氣漢庭
元叔早知名丞相將軍爭把袂公車上計今幾回胸中盤鬱揆
天才石渠延閣待君入勿嗟席帽猶遲徊我昔曾拜歐陽叟說
士憐才遇我厚白公祠下杏花時譽我新詩不容口風燈彈指
二十年靈芝宮闕歸飛仙浮生擾擾竟何事我昔方壯今華顛
喜君高才足繩武崔蔡嚴徐不足數章武城邊屢見君干將出
匣星芒吐我今局促守一官熬波無術空嗟歎寶書天上恍如
夢安敢赤幟標文壇多君好學心不倦猥以鹿皮蒼壁薦疲跼
老馬那識途虛說霜蹄躡飛電一笑燈前共舉觴倦僕任觸屏
風僵立譚將相憑君取莫忘撐腸書傳香

贈郭小陶文學

姑射之山神人居異境曾讀南華書清才間出乃有子筆底煜煜生明珠世人貪嗜腥腐腴君獨出語松風如輞川香山皆晉產期君振藻郎官湖

題朱文正公詩集後

太華洪河氣鬱盤千秋健筆獨追韓朱絃寶瑟諧金奏碧海珊瑚間木難博奧義原參雅誥圓空心早悟澄觀正聲一代騷壇主齒冷羣儒說敦槃

獨將經術佐平治忠悃常同日月垂涑水姓名天下誦西山講義

聖人知陽春士有千間庇清白家無一壠遺最是任劉交誼篤

西華曾拜葛衣時

公與先光祿同年同官交最深

白鶴山房詩鈔終

白鶴山房詩鈔卷十五

歸安葉紹本仁甫

古今體詩九十六首

春日意園獨坐

林鶯纔聽轉新簧
步履花前境冊方
綠柳恰隨人宛轉
緋桃渾學態
丰昌閒評絹素留
真意靜檢籤
滕發古香老
我官齋似雲壑
坐看斜日照西廊

和環青閣驛柳詩四首

芳華又到冶春時
瞥眼都亭綠幾枝
風雨年年忙絮影
關河歷歷認鞭絲
金羈莫綰離人恨
玉笛同縈少婦思
休道天涯易搖落
一般眠起似龍池

垂遍長亭復短亭
無邊煙景記曾經
遮來鷺候千行碧
映出螺

峰萬疊青遠道未須傷陌草幻身不信化池萍流星一騎爭馳處可憶當年濯濯形

毵毵弱縷儘隨波靜裏光陰似擲梭烏帽黃塵催客老朱輪翠轂閱人多斜陽古渡渾如畫殘月疎林孰放歌最是驂駢歸去晚夜烏啼徹奈愁何

劇憐宛轉拂征衣流水孤村野店依無限關心消髀肉有人懷舊損腰圍一帆江岸潮初長二月河橋雪正飛安得移根鄰上苑翠煙但護玉珂歸

再疊前韻

猶憶青門祖帳時長條又發去年枝一番風信添眉黛幾度天涯感鬢絲隱隱似遮凝望眼依依還觸故園思鬢鬢沙岸空腔老那識清陰冑苑池

叢篁繞碧映郵亭持節曾聞漢使經
踈地烟迷秦塞紫插天路接蜀山青
可能染汁頻舉袂翮喜班荆有聚萍
指點亞夫營遠近枯槎繫馬尙畱形

方塘水漲影橫波也逐東風細織梭
春去春來煙雨暮江南江北別離多
陌頭怕聽黃鸝曲花下誰爲碧玉歌
輸與綠窗人寂靜吟成香絮景如何

金線何曾製舞衣成樓殘照鎖相依
角聲五夜星輶急旗影三春曉幙圍
昔拜天書先雪往重來官道又花飛
永豐儘有詞臣賦莫說征夫喚未歸

三疊前韻

那將遺蹟問當時用鄭莊事多少才人賦
折枝掩藹乍疑雲羃羃迷離恰愛雨
絲絲也同嘉樹垂清蔭可比甘棠繫
去思莫笑勞勞

頻送客看他燕羽自差池

點綴街彈與候亭軒與轆轤幾人經當年駐馬袍猶綠此日攀
條眼更青遠岸煙籠還似薺空林旭照恰如萍翠樓莫便封侯
悔認取雙蛾却月形

最憐纖影照層波一任金衣囀錦梭大地風光隨客賞高原雨
露得春多武昌營裏吹笳入揚子江頭擊楫歌記否回中曾奉
輦絲韁披拂效誰何

二字見漢書
與譏同義同

夾道偏宜護繡衣解鞍爰憩午陰依微茫小市蒼煙合隱約孤
城翠霧圍古戍影低行雁度暮天晴閃陣鴉飛碧幢引處遙相
映知是題橋駟馬歸

四疊前韻

一樣章臺乍見時垂垂偏作道旁枝門邊珠絡淵淵鼓樓上銀

箏皎皎絲攬轡頓增行李色搖鞭也動背花思依然張緒風流
在那羨千條傍錦池

看來孌孌復亭亭伏雨闌風此慣經馬齒陳根痕削白蟲書脫
葉字縈青沿堤樹雜千枝藥繫艇波開一道萍莫向漢南尋手
植龍蔥可似舊時形

東風受處綠生波幾許絲絲挂玉梭萬里碧通邊郡遠十分青
入

帝城多襦衫度娉娉唱深雍韡翻趾跋歌自是天涯看最好
冶情無那別離何

休道風塵化素衣周行似砥任因依緝來好續方輿記躋處如
從捺鉢圍鏡影看推明月上絮痕時逐曉雲飛踏謠莫漫嘲楊
白說與香車緩緩歸

擬宋之問明河篇用原韻

高秋天淨日含晶向晚樓頭銀漢明玉繩斜帶長雲朗珠斗遙
連匹練橫天船貫處層波起夜夜光浮丹禁裏三時演漾鮮盈
虧碧瓦朱甍掩映宜長信宮前初激灩建章殿外更逶迤明輝
照曜星榆白復見清漪度城陌金微人去幾時歸落葉疎砧怨
卷衣玳瑁梁間秋燕宿琉璃臺畔夜烏飛烏飛燕宿更籌歇漸
看簷牙清影沒年年作合度雙星歲歲流光伴明月姮娥婺女
定誰親未許人間一問津乘槎漢使無消息何處天邊織錦人

送友人之晉中

津門樹色何蔥蘢送君匹馬踰居庸雨幡詎如逢掖好一第肯
換山光濃晉祠南頭看流水風吟北壁聽霜鐘我慙局束困塵
鞅舊夢忽觸蒲臺松

任邱道中

策馬瀛洲道河壩莽莽沙空林收杏實小港泛蘋花古渡千帆
集畬田一稜斜北農生計拙勸爾樹壺瓜

書唐元宗太山摩厓碑後

有序

摩厓碑在太山巔元宗東封時手書八分刻石紀功後
人多訾議之余以封禪與求仙不同而元宗開元之政
媲美貞觀非秦漢可比爰作歌以雪之亦是非之公也
有唐四葉王祚微女牀失次搖衡璣真人膺命潞州起手削大
難扶天扉白獸門開殛羣醜遂令紫禁安雲輦一朝卽真撫四
海左姚右宋如驂駢斛米百錢致富庶羌戎蛾伏縻豪稀爰登
泰山觀東后紀功勒石歌巍巍聖皇游藝本天縱奎文羲畫畱
光輝隴西一代此最盛羸劉夸誕安能幾摩挲片石想平治優

游化日和風揮此景千秋豈易見奈何點筆工訶譏得休宏農
雖汰侈前勤後怠難相非聲靈要自震陬溷薄海猶凜天王旂
豎儒輕薄但妄詆誰知一統垂霄衣省方展義溯虞典豈因哽
噎忘餐養封禪求仙原兩義交閭王會開周幾讀書論古貴有
識曷能矮客觀場園作歌爰爲紀明德嗟千萬世毋毀誹

擬王勃采蓮曲

采蓮香菡萏浮金塘滄江渺渺烟茫茫丹臉紅跗嬌欲語美人
日暮臨洲渚桂楫輕褰翡翠裙蘭橈共下鴛鴦浦鴛鴦浦浦澈
花稠疊綽約空銷蕩子魂飄零豈似倡家妾倡家妾郎去不還
家未用隨風愁柳絮聊因弄水采蓮花蓮花何婀娜處處嬌人
面葉密似羅裙花繁疑寶壓何似別離人相思不相見相見復
如何佳人隱翠蛾蓋圓難作鏡絲弱詎縈梭每恨連根少生憎

苦蕙多但得紺葩攀素手
不辭錦轡濺晴波采蓮人未歸采蓮
歌復起隔水聲傳皓齒鮮
臨風腸斷游鯢紫秋江嫋嫋動秋風
露冷荷衣一片紅橫塘燈火歸來晚幾處關山明月中

題張詩舫中翰

祥河

小重山房集後

車箱家世本金貂風骨超
宗故自超冰雪一編爭出手橫雲山
翠海門潮

梅心一曲豔西廬更闢名園塔影虛記得款門看竹入小池清
映白芙渠

中書落筆堵牆觀外制文章下水難不用銀臺說三昧一般承
詔直金鑾

林壑清幽數九峯春風草滿陸機葺千秋一代黃門筆
流別惟君得正宗

謂臥子先生

涼波三泖憶漁莊問字曾登綠野堂

述菴先生余父執也從學爲詩受先生知最深回

首西州餘涕淚斷垣衰草話斜陽

曾向江湖載酒行一枝鐵笛話平生白頭謬綰農丞節慚愧匆
匆唱渭城

詩壇憶築玉河灣老筆坡仙共往還此日風流應繼起一時健
句屬柯山

輕縑素練關時用玉璽瓊枝爛席珍自是陳芳麟篆授新詩著
手盡成春

潘榕皋先生

奕傳

重赴鹿鳴詩

手折蟾枝六十年霓裳入詠大羅天草袍媚嫵徵人瑞鐵杖清
堅闢地仙萊綵最欣歌夕膳荷衣早喜賦歸田耆英此會人間
少合與先生號樂全

天遣常扶大雅輪，歲星游戲不知春。
詩壇北郭無前哲，筆訣華亭有替人。
蠟屐看花銅井畔，疎篷聽雨石湖濱。
榮名豈足誇科第，萬丈光芒屬此身。

鉅典躬逢選佛場，士林爭拜魯靈光。
頭銜

帝錫宮袍燦齒譙

天頒

御酒香雲漢遙瞻

新黼黻，月燈重奏舊笙簧。
由來門閥卿公貴，白袞相輝邁謝王。
皋廡當年記賃舂，拜牀應識舊梁松。
游仙每羨坡公鶴，說士真慚荀氏龍。
宦久天涯懷杞菊，夢回江上憶芙蓉。
何當快挹浮邱袂，一片青山策短筇。

題李海帆觀察

宗傳

釣鼈圖

茫茫大地空中漚瀛海四繞圓渾流魚龍萬怪恣惶惑誰歟舉
臂凌滄洲五山釣鼈古有說寓言列子窮天游鵬背青天負雲
氣俛視六合真蜉蝣先生壯志邁前古濟川早鬱芻中謀元氣
淋漓擅手筆扶桑曉策無朋儔牽絲偶出傍渤澥善政所到恬
淵儵功成斷蛟魚鮪樂文能驅鱷鯨鯢收瀛壖千里畫衽席鯉
人龍戶安螺舟興來臨風足吟眺澄波如鏡清光迥俗與員嶠
望尺咫欲駕赤鯉乘蒼蚪一朝循聲達

帝闕

御屏首列揚旗旂遂衣繡衣職發運漕司秩貴東諸侯千艘銜
尾渡河涉馮夷避浪洪波柔君才浩瀚木如海行震華鼓宣嘉
猷德綸道竿仁義餌坐令驚網無沈鱗今君迴帆向南國膏雨
共聽甘棠謳龕楮峯連鷺濤湧台蕩地接龍湫浮微茫島嶼混

一氣天池指點環神州何須廣張三十六百鈞但見珠宮貝闕
軒豁呈清秋

和陳石士同年齋中讀書用蔣藏園天鏡樓消夏韻十四
首

一代陳無己高名孰與鄰經神窺奧窔詩律出清新索米饑難
飽燒鉛息自勻天教鳴兩鳥珍重苦吟身

積雨河渠溢瀰漫海霧青蛟龍蟠大澤蛙黽穴空庭孰解游波
術誰稽軟堰形當年騎都尉使者亦明經

聞道桑乾決流離定幾家黍禾千隴沒甕盎一城譁亂港歧難
認高原望不遑哀鴻真遍野空羨宿林鴉

豆子航邊路由來地勢偏天瓢旬日倒雪浪九河連築室真蝸
寄攀城似蟻緣可堪持簞節此際那安眠

津門水益直至城下
居民紛紛入城避水

蓬巷垣摧白蕪田草沒青薪櫟艱破屋饘粥闕都亭貨粟焉能
緩沈珪或有靈巡氓非越俎差免泣蘆汀余與繼使阿筠溪先生偕捐蓬席饑糧並

施給銀米以濟
灾黎差覺安堵

正英稽前制飛霜一望中誰云鍾釜富祇恐轉輸窮水漾丁畦

碧花虛婦頰紅脂膏彌自警杼軸怕成空今年亭龍被水亦劇商力敝矣

始衰年已過白髮那能耘桐樹傳家遠棠花痛影分一官羈海

國卅載隔邱墳誰認河東第荒廬憶馬軍先方伯故宅在吳興郡城馬軍巷久質他

人未能
贖也

故山空在眼何日踏秋烟夢入前溪月魂飛雪水船釣游思舊

跡巾屐憶當年那得荷衣製行藏欲細權

竊祿慙無補神仙讓志和蕭蕭塵鬢短了了歲華過吏課空書

最民艱孰起疴幾年矜削贖未覺活人多

心事噙溫飽功名薄繭絲拙惟甘自守廉豈冀人知魏水提戈
日漁山攬轡時瘡痍曾手撫邊計後來思

身世蒼茫裏深憐去日多報

恩餘念篤學道奈遲何桂萼驚飛電侵尋嘆逝波自慚衰鈍質
皺面怯觀河

落拓儒生態塵勞簿領身漸虞疎簡冊曷以辨疵醇學海期難

到脩塗望未真楹書傳鯉訓篋笥莫嫌貧

先方伯易守一書窮極天人之奧今已錄

板行

平生知己少最憶白沙翁絲幔高門託霓裳入詠同頻年歌落

月一別幾秋風督井慚余甚憑君術饋窮

索居憐固陋喜聽拔茅征

石士與覺生先生先後同進階坊苑時覺生先生已遷納言

華國

真無忝登仙是此行論心同翕羽角藝等談兵安得雲龍合相

從眼倍明

擬劉希夷搗衣篇

秋風蕭瑟露華涼
秋日淒清秋夜長
塞北行人方掩涕
城南思婦乍迴腸
豈有素書傳錦段
空聞繡閣理征裳
拭清砧兮徒延佇
步玉砌兮獨徬徨
徬徨延佇情何切
唧唧蟲聲聽蟋蟀
薄蟄愁侵皓月明
纖眉怕映秋山結
眉痕那得照邊城
鬢影伊誰認畫薨
疊就緗紈香絮薄
擅來皓腕雪羅輕
銀河轉兮青天曙
鵲鴉鵲鳴兮梁燕去
弱意難憑繡線添
芳心暗逐銀針度
裁縫密密寄天涯
何處征夫萬里沙
慈嶺冰澌難駐馬
榆關霜信已飛花
年年望眼金庭北
知否腰圍稱衣袂
何時歸唱大刀頭
流黃當戶鴛梭織

雙煙閣藝蘭忽開並蒂敬依先光祿河中署齋韻以志

花瑞

連跗競秀吐奇芬入室祥徵湧吉雲藥映風簾如共笑香凝露
晚本難分升庭舊澤應頻繼茁砌餘芳總不羣和氣覃敷先訓
在願培嘉德善良薰

齋中藝蘭既得並蒂而海棠綠萼梅以次發花深秋時有
此誠可異也因繪爲圖而記之以詩

官齋鮮塵氛所至莪花木羣卉迭含滋應候吐芳馥何來雙鄂
蘭國香媚幽谷駢枝已稱異雙穗等嘉穀那知蜀江種亦復紅
映肉霜風萬木凋憐爾獨清淑盆梅茁更奇嫩碧削寒玉不意
北海濱幾同庾嶺煥陽和布德澤生意本常蓄于此露端倪天
心在亭育繁葩絢軒屏觸目闢輝煜生綃寫作圖雜沓間萸菊
敢云迓祥和聊志貞元復

義軒方在御順氣洽百族萬彙盡繁昌彌爲蒼生祝

長白協揆師以舊作津門感舊詩見示敬依元韻咏德抒懷

絳帳頻年隔命提秋風悔別

帝城西轅駒怕曳輜駟重林鳥空思上苑啼介石自安情倍澹
汙卮難飲跡寧迷氈毼恐作羊公鶴敢負韓門舊品題

新霜無那鬢毛侵屈指名場歲月深持節昔曾踰碧嶠傳衣今
轉愧緇林閒中了了飛沈景局外勞勞撫字心最是元公勤吐
握焦桐早許附知音

土坡漫說路縈紆常願烝黎困早蘇自哂散材難作楫本非瓊
寶敢求沽觚稜有夢懷

雙闕雲水無時憶五湖清白却承家訓在肯耽疎放學後徒

小窗晴旭照深檐
捧到雲章妙句拈
直覺心珠輝不夜
深慚眉
樣刻無鹽雄詞頓駭
鐘鏗振溫語還同帛
絮添翹首秋香濃老
圃幾時東閣侍重簾

題潘功甫中翰詩集

雛鳳聲如老鳳清
明珠瑟瑟最澄瑩
知君舊識南屏鯽
湖水湖

烟倍有情

集中多武林舊作

東眷人門第幾家
紫青拾芥世爭誇
龍文獨擅空羣譽
不獨科名耀榜花

文章爾雅屬三吳
一代青邱健筆殊
黃鳥春池遊目麗
更紉飛珮躡仙都

葑溪高足數錢王

謂竹汀述菴兩先生皆歸愚向書高弟

我亦胥臺熟辨香

余受業于

竹汀述菴兩先生之門

今日聽君彈雅頌
元音一髮未銷亡

通德門高憶水濱三松堂啓座生春謂格焦桐曾被知音賞慚

愧風塵蹴躡人

紛紛壇坫競雕蟲誰解凌虛妙御風讀到君詩神欲淡蒼崖石

氣自浮空

寄懷那竹汀司寇

蓬山鉅手早推袁此日卿雲照戶軒天上星辰尊北斗人間雨

露潤西垣于公德大民無枉陳寵經明政不煩自是醇儒能報

國臯蘇學溯典謨尊

雅度汪汪萬頃波從容臺省望如何培賢心爲

彤廷切說士人徵白屋多月日動存三代直春風恰得四時和

儀師眞負便章署霖雨行看假斧柯

尺素時看矮紙擎瀛洲舊雨劇關情纏綿每見論心曲冗散頻

煩問姓名香火尙餘緣不淺珠璣却愧句先賡

承惠題拙集

雲龍謬

荷公垂契東野蟲號豈善鳴

早綰銀魚侍木天出持繡斧又頻年

主恩原自榮英蕩臣職惟慚耗俸錢太史恐成牛馬走散仙那

得鳳鸞懶玉堂回首平生事幾許真靈位業編

癸未至月余以兼攝臺篆按部齊州敬瞻先光祿陳臬

時遺跡謹賦四律

髫年柏府此趨庭廿載重欣使節經灤水依然前度碧華山不
改舊時青風清市鮮餘條約霜肅臺烏見典型指點治書薺燭
地春膏猶潤綠莎廳

十二河山控大東瀛波環繞信雄風大男吾子千籌裕積雪飛
霜萬釜同但使閭閻活食飲何勞緡算計羸豐脂膏要藉廉泉

滌莫漫徒誇管氏功

鼓角居然擬八騶

寵光真荷

主恩稠拜經敢詡承家學乘傳空慚足

國謀喬木皆成棠樾蔭遺民猶識鞭鞭畱明湖萬頃波如鏡記

否當年愷澤流

山城小住擁征輶到處朋簪未寂寥客話快聯新舊侶官程暗
數短長橋會稽詎獨榮章綬渤海何當靖斗鏹却愧相迎諸父
老迂疎何以洽風謠

咏懷四首奉答吳蘭雪同年

吾憶吳傳正文章自一家集多畱笥束宮冷愛薇花避俗名逾
遠耽奇志本奢西江餘社火誰似此才華

同舉關懷切春明共引杯那知膺吏責彌愧濟時才
胼手援飛浪饑腸息轉雷尙虞施未徧敢說濟民灾

正英渾無術空言高蓋臨宦情消魯酒鄉語憶吳音回首江郊

隔傳聞井竈沈

今歲浙中大水吳興尤甚

一官真似寄徒觸故園心

天外傳高詠臨風百感并三年如夢寐五字果長城
鏡覽慚勲業弓招畏友生何時重擊鉢佳語大河橫

題林石笥孝廉

從炯

鷗波避暑圖

水國波無際誰爲汗漫游孤亭閒倚棹六月似涼秋
列岫層層出雙溪淼淼流集賢何用憶高詠有蘋洲

四面蒲蓮海千盃下若春試看行樂處定是不羈人
悵我違鄉久頻驚客宦身綠蕢青簪笠何日訪元真

又題石笥珠江買醉圖

番禺地僻雄南邦大瀛海水環從遠通下國歌駿厯鮫人萬
里來蠻艤珠犀象貝百貨扛物產既富謠謳海珠魚藻俯大
江丰昌士女疑仙姥牙檣錦纜雲母窗十五五停烟簾低翼
妙舞蓮作躑珠喉宛轉聲吳腔春風吹波綠映紅花氣四發馨
蘭茱珊珊玉珮鳴琤琤美人一笑傾銀缸永嘉才人世少雙文
章娛戲金石撞偶涉羚羊峽凌飛淙繫船乃在垂楊樁興酣奇氣
未肯降作使妙伎雙瞳眈笙管激越羯鼓絳滿船絃索聽撻撻
五色眩轉目不暇浩歌磊落驚愚憇我爲作詩慙嶺瀧險韻似
掉都盧撞羨君賀懷吸老龐快哉豈餐益壽邨海南紅豆思絳
躑問奇那得馳楚楚壁帶二等明金釭期君早晚持使幢宦游
重到尋雙從我知花徑無吠龍

題顧晴芬同年水竹柴門圖

西神之山何蜿蜒秀色橫絕東南天具區空明瞰右界一水浮
動玻璃煙江村風物盡可喜漁莊蟹舍茭蘆田清溪流雲聽瀧
瀧新篁過雨搖娟娟千竿瘦影映晴穀粉本誰寫梅花禪謂梅道人
梁溪侍郎本詞伯前身曾作飛空仙早從泉石蘊貞抱竹虛波
靜心翛然碧瀾蒼雪任吟賞輦間一棹時延緣輞川每記訪蝸
隱瀧岡更擬尋牛眠雲山風樹雨難翫逸致早欲輕高蟬此圖
點染妙清絕似知君意耽淪漣簣簣萬个論畝貯月團一片臨
流煎閉門便可竹中住不慮剝啄來喧闐人間此際信真樂豈
羨旛旒榮華旃今君承

恩正優渥斗魁煜煜明星躔抽身那得到雲壑有如望麴空流
涎但令注目付存想襟懷亦可消拘牽嗟余局束困塵鞅故里
遠在餘不川與君鏘脚隔湖住三間老屋迷茅椽鷗波亭子歸

未得風篠空憶何山邊松楸回首每餘愴終當請急浮吳船輕
帆定復過梅里款門徑看蒼簑鮮平安却報主人說綠雲冉冉
春波妍

題陳一齋姻家晚香圖

幽香滿徑露華團一室蕭然宇宙寬種德半生能速後讀書萬
卷不求官餼糧充積仙人餌落藥續紛隱士餐莫共安陽徵故
事更無軒冕溷過槃

義門曾說媿溥陽羨爾盱江廉讓鄉鍵戶好添千畝竹遶籬勝
植百株桑安時耕鑿風偏古傳世文章策最良珍重子由吟節
序夢中秋蟀句芬芳

賀鮑覺生前輩重擢端尹次陳石士同年韻

高名自昔孚公望直道由來重

帝宸此日帷筵仍奉筆異時湖海遍投綸先生前歲請急南歸過游江浙白雲
共識崇賢器丹地憑儲報

國身我爲蒼生頻額手中天台斗仰嶙峋

意園雜咏次阿雨窗先生韻有序

長蘆廨舍之西偏爲意園廣袤二畝許有亭有池是故
浙閩制府阿雨窗先生任都轉時所脩葺也先生有經
世才而詩筆清絕類高人逸士余視學閩中時曾親炙
之今復步公後塵深愧材拙學淺不足以繼公而流風
遺韻嚮往深殷聊和郢歌倍慚洛詠

小築塵埃外林巒望宛然閒堪拂石坐暇便枕書眠稍結烟霞
契難忘水竹緣莫嫌清晝寂噪樹有鳴蟬

獨得蕭疎意真宜磊落人簪裾時共合卷帙每相親仁益詩囊

富頻參畫筆，皴方塘澄一鑑。此地足垂綸。

一簣偏成趣，溪山不在深。風輕憑岸幘，月上任橫琴。檻外雲舒

卷，尊前雨舊今。高懷憶元老，謂先生無限濟時心。

清夢留三島，鄉心繫五湖。似開彭澤徑，誰繪輞川圖。守素情彌澹，拈豪興不孤。從知巖壑想，仕隱總無殊。

題潘榕臯先生三松堂集十首

碧山學士鑑湖仙，江左詩名六十年。見說蒼顏猶少壯，水芝亭館卽壺天。

悟徹浮榮早息機，未衰便製薜蘿衣。雲山翰墨供頤養，咽嗽華池水自肥。

吟遍橫塘又越溪，吳王臺殿晚烟迷。靈巖花草寒山雪，付與先生細品題。

石湖居士范參政北郭詩人高侍郎惟有公才堪鼎足子忍切

搜佳句入奚囊

斟酌橋邊一棹開衣香人影照蒼苔女郎正袖林花唐六如題扇句

女郎全正袖杏子一林花合有閒情付酒杯

紫荆連理竹成林兒輩勲名耀海濶公似東山謝安石每聞屐

折報佳音

耆英杖履最風流老輩名篇互唱酬恰似德星羣聚里千秋常

得此人不

水流花放悟空山搖曳春雲自在還手障狂瀾功不細狐禪鬼

唱總教刪

我本江湖舊散人浮蹤曾寄葑溪濱青萍拂拭懷知己獨許驚

駘早軼塵

廿年鄉夢隔吳舫
忽枉瓊章綯彩毫
百歲羅城知待築
他年舉臂問盧敖

白鶴山房詩鈔卷十五終

白鶴山房詩鈔卷十六

歸安葉紹本仁甫

古今體詩八十八首

和鄧嶰筠同年勘河卽事四首

淀泊環三輔洪波萬頃吞奔流無息壤
潯水少空村泥濘填支港菱蘆塞阨門
經年春鋪廢禹鑿更休論

潘渚書誰讀陂池失淺深不須霖併日
東坡詩十日
愁霖併爲一早見雨成淫魚沸歌頻作
龍淵義孰尋其咨煩

睿慮纈俊典惟欽

經訓平當熟方梁鮑昱誇仁風宣漢節
威令肅秋槎截澗同疏

汴橫渠豈漕斜腴賦酬

帝眷鴈戶應無嗟

時程月川中丞奉
命治河畿輔

掘鯉名猶在穿犀術罕逢由來籌濟距未可薄章縫勸相勞
司牧耕畬慰老農知君勤四載海國盡提封

賀石士同年晉階講學

嚴徐清望果無前冰玉操持鐵石堅史職迴翔年二紀

主恩鄭重秩三遷承家真繼恬侯業綰誥休疑小阮先我愧仙
凡遽分席當時同賦大羅天

題沈遠亭明府海門于役圖

白衛雙流入滄溟一鏡開憑君拏桂楫卽此是蓬萊
長堤勢蜿蜒官道平如砥垂柳覆紅橋錯認西湖渼
莎廳傍烟水勝侶偶相於小閣風甌語何須城旦書
十笏敬禪關烟雲爲供養稽首白足尊是相本無相
我聞葛沽水井里舊經營處處催秧馬春田看耦耕

曉日騰扶桑魚尾半天赤知君策六鼇更振垂雲翮

蘆花四首次查又山同年韻

銀雲一片曉塘鋪滿耳秋聲聽轉孤淺水迴汀行處有淡烟涼
月入看無迷離好帶眠鷗夢蕭瑟誰摹放鳴圖記得扁舟掠沙
尾西風颯颯響平湖

亂飄碣岸撲江船獨夜孤槎人未眠古戍剛聞懷朔管大堤無
賴拂征鞭天涯冉冉催塵鬢故壘蕭蕭感逝川曾向滄波咏秋
思韶華彈指又經年

楓林相襯白紛紛一色低迷了不分有約年光吹暮雪無邊涼
意入秋雲灘頭簞簖閒漁父水上琵琶憶使君客路漫生蕉萃
嘅芙蓉塘外伴斜曛

梨雲柳影似還非堆去秋陰冑石磯搖落不隨枯樹盡飄蕭只

逐暗潮飛月湖曾聽驚魚竄寒渚惟應野鴈依認取溯洄人在
否霜痕新點菱荷衣

意園雜興用東坡和子由記園中草木韻

熬波緬置司從政半英彥吁嗟數百年烟雲歷千變傳舍等寓
公題名聽已倦畢竟治績昭何人耀陳卷獨愛荒園存風物殊
清婉擾擾塵坳中邱壑亦足遣綠篠挺勁竿青藤引長蔓傍砌
植疎花芬芳傲九畹滋培當及時勿到歲華晚

北方少嘉植種樹難成林稍具木石態一簣聊自矜荒池早枯
竭漁釣弗能任獨有槐榆蔭差可清塵襟好風自南來吹我華
髮簪餘花亦爛漫著色隨淺深春榮秋復枯萬物有廢興寄語
乘化者於何窮智能

傍池有桤柳輪囷根已老不知此園中幾見壞牆倒雨露任生

成冥冥隨大造斤斧之所赦政由拙勝巧對面海棠花攀折枝
葉耗徒爲悅世容終焉慙小草

種竹東牆陰竹生何挺拔碧葉翠琅玕萬片桐圭插行鞭走中
庭到處自萌蘖雨過翠欲流風來拜如約由來千雲姿未許濁
水潑傲此園中并終歲不黃落

我本烟水客積習耽菰蒲辭家三十年青鬢今白鬢舊游復何
似蘋蓼漸欲枯回首碧瀾堂鄉心懸五湖昔年棲隱處舊夢猶
艱飭何當倩名手鷗波寫成圖

人生迅風輪立名苦不早未爲不朽業年華忽以老竊祿忝朝
紳叨榮異黃檗廿載空浮沈驚馬慙服阜轉思挾策初望古矢
懷抱悠悠竟何成强弩射魯縞

鹽官頗多暇退食便莎廳願持冰蘂懷那慕帶萬釘清畏判牘

龍步履周戶庭愛彼竹籬間瘦石立玲玕雜樹三五株相映蒼
苔青南窗一夢覺時聽風泠泠

葡萄本北產梨棗蕃漳南雜時軒庭中不羨雙黃柑秋至取其
實浥浥芳津涵及時戒僮奴採摘盈筠籃物生貴有用柞櫟奚
能堪佳味薦鼎俎馨香復何慙

章武少名山屐齒疇從游不如廢圃中花木自清幽盛夏嘉蔭
繁新綠上瓦溝萋萋池邊草歷亂青絲抽頗愛枯柳根曲屈盤
潛蚪移席碧陰下杯錯容我偷

我昔使榕嶠烟雲溢心目朝躡青蓮巔夕宿丹霞麓飛流噴我
前琤琮漱寒玉每當岑蔚處鬚眉爲之綠此景曾幾時清夢隔
松菊却來衣染緇那聽鳴泉筑安得假飛翼再泛武夷曲
瓜廬足容膝喧寂祇自知生意滿階前何須秋草悲偶來小池

上如臨茗水湄懷弁顏其堂

園屋數楹余爲懷弁草堂

青山聊與期平生

熟楚騷草木疏衍離繁林多翠色朝餐且忘餓

和石士同年題菴葭閣圖用東坡參寥上人初得智果院

得心字韻

涼風蕩空宇爽氣澄遙岑聊爲物外游愜此靜者心真如契初
地妙旨悟崇深醺醺旃旌香鬱鬱薈薈林清言發高唱天半騰
光音良辰風日佳勝侶同招尋葭蒼露已白何處著煩襟由來
水晶域未許熱惱侵前身盧行者定慧復見今何當謝軒冕相
從朋盍簪

蘭雪同年病起以再生小草寄示沈雄蒼勁風骨愈遭嘆

其神勇輒用集中題覺生先生集韻率題其後

陳芳麟篆久不覩鯨魚翡翠疇能兼多君病起詩愈壯有若九

咏吟霜縑堂堂旌旌列仗肅森森戈戟重門嚴玲瓏百變幻花
發振威一喝么磨礪君房妙語奮筆舌居鄭奇計饒機鈴淨埽
鉛華態逾麗不持寸鐵鋒彌鋌解牛奏技披郤巖然犀燭物通
幽潛名士翩翩塵尾拂騷人岌岌我冠瞻西江眞印墮塵土乃
從君筆開鏡匳芙蓉紛敷秋水碧爽氣直欲凌晨暹嗟余局束
困簿領勝侶久隔疎箴砭題襟往往憶京輦君子藹吉常謙謙
君詩奇剗得未有智力欲剖微塵纖天教旗鼓樹文苑太史頻
作周南淹詞源倒流口布穀小儒一見徒驚膽枚生七發自澡
濯衡氣機見情翻恬知君神完却貌虎豈待藥市尋青帘因君
傑句發狂喙摩空高唱還重拈

正定道中卽事

籃輿兀兀向南征馬首行山到眼明此地旌旄幾還往搖鞭又

指鎮州城

懷古有感

中山過了又常山形勝千秋擅此間畢竟遺蹤何處問夕陽疎柳戍樓閑

謁岳忠武王廟四首

塞戢丹拱拜靈宮浩氣依然塞太空碧血祁期飛犴黃圖從此沒沙蟲汾陽志節功難竟漢壽神威望與同汾泗載瞻遺像偉蕭蕭松柏起悲風

新膽甘忘君父仇國成偏倚賊臣謀只除安樂僉降表忍聽重

昏說故侯

金人敗欽宗爲重昏侯

二聖若還何地置全家得脫願身酬謂

耳

南家歸千刀我欲剗王莽本是劉張一輩流

爲劉豫張邦昌者幸

不

攬史真宜怒礫髯孤忠於爾定何嫌文章孔雀機原毒哲婦晨

鷄計更儉幸有椒聊償戮斧謂孝宗可知麥飯負垂簾哲宗紹述首負宣仁

此北宋致興亡不盡千秋感橋上鵲啼兆早占

金陀編出賴文孫誰道冤難照覆盆楚服真王榮異姓武鄉嘉

謚慰忠魂大名字宙原非偶正氣乾坤自永存愧我征軺初薦

藻靈旗惆悵暮雲翻

衛州道中即事

大梁西北此雄藩汨汨河流日夜奔文字由來搜汲冢詩篇何

處問淇園神仙從說蘇門嘯富教空懷沫水源却憶甘棠遺澤

在三生猶記石邊痕先君子曾守是郡余以戊子歲生子郡署

新鄭懷古

晉楚交爭處居真天下中甫田懷盛典東里記仁風俗早藺間

易途仍轍跡通輿梁頻問渡遵渚有霜鴻

登廣武原

岡嶺迴合鬱岬嶭楚漢當年互戰爭千古成名歸豎子兩河要
塞此夷庚盤紆地接嵩峯壯繚繞波流索水清自是昇平歌
帝力笑看廢壘課春耕

重登黃鶴樓有感

髯齡游歷記猶真四十年來蹟未陳終古大江流浩瀚千秋飛
閣聳嶙峋上頭多少題詩客瞥眼誰參幻化身我欲乘風窺倒
景閭浮彈指現陶輪

岳陽樓

高樓作記憶前賢飛構凌虛尙儼然雲夢欲吞胷八九衡湘直
控路三千靈蹤縹渺仙人笛逸響淒迷帝子絃更擬憑欄重弔

古周耶戰壘但寒烟

汨羅江弔三閭大夫

江流清見底到此憶懷沙蘭芷悲亡國風詩繼作家幽篁猶滿
徑磊石漫臨崖欲賦招魂句楓林暮靄遮

湘山寺

寺有唐宗慧祖師真身世號無量壽佛

琳宮高峙翠微間四面嵐光湧髻鬟碧靄乍生金殿冷白雲不
隔墳窗閒靈龕萬古留真相香火三春走市闌我欲衆生齊壽
考能仁功德遍塵寰

和父積堂茂才

春源

黃文節公生日同人補祀青莎里祠

下原韻

章貢江清筆誰泚健句獨追浣花里通神瘦硬格自奇無怪大
名垂傳記餘杭山水最清絕公偶來游短筇倚廟社猶榜蘇家

名衣鉢所承公應喜吞火神絃七百秋直道斯民信如矢更汲
寒泉祝初度長庚謫降擬仙李人生不朽惟志節世上浮榮夢
中耳環城鴈宕公所欣安得溪毛亦薦此

贈閔藝馨阿曾文學

鳳雛丹穴早知名羨爾風期冰雪清桂海暫羈春廡迹蓬山終
見振衣行魏科似續榮三世君家自中丞大至兼明德畱貽記
七卿君遠祖司寇公為宏治各臣見七卿表願繼銅川祖武節樓遺澤在麋城

題艾積堂茂才詩集

祕旨妍詞得未曾細裁雲縷琢春冰君家本傍明湖住室有孤
山一穗燈

雋味宜參玉液泉毫端噴薄盡雲烟太鴻不作西林逝此筆須
論五百年

吳頭楚尾壯游多短棹中流擊楫歌江上青山無限在茫茫今古奈愁何

冷吟閣醉足平生莫怨饑驅萬里程紫桂青萍佳句遠詞人從古賦南征

早年詩社結吳閭猶記風期挹老蒼此日讓君頭地出紉荃襲芷自生香

桂林春日寄石士同年

十年隨牒燕南路咫尺長安接雲樹郵筒往復寄詩篇無異春明門畔住那知會合不可常簡書持憲堯山陽川途回互隔湘楚鴈飛不到天蒼茫低徊却憶舊吟侶名重三君陳仲舉文章雅澹繼歐陽詩派西江紹初祖人生石交那易逢多君信誓盟青松梁州計程應有作元白夢寐時相通今君簪毫侍

天賜身在真霄九仙骨但期雲雨潤蒼生豈羨強臺任超越
金龜之樂事多法蓮華效花如何新詩定復錦成帙曲江翠
柳清波曉鏡明五嶺外梅花雪片當春大連山空對玉巖曉
別得陽情誼華帶詞關山極望總情深難得雙魚寄碧潯知
君定賦張衡句我所思兮在桂林

送盧果上人還廬山

五老峯頭蔭大雪屏風九疊一窗分師今在錫還山去回向諸
天靜見聞

蓮社宗風憶往年過溪一笑總前緣無人識得廬山面試聽琤
琮百道泉

藜牀穴破淨無埃知是江南老辨才他日耆闍訪尊宿茶烟微
度散花臺

題恒山講舍圖爲李子文孝廉

銀濤吼滹沱黛鬢擁大茂中有傳經人兀兀坐旦晝文心躡天

根詩筆壯雲構長嘯臯比間虹氣輝列宿此圖誰爲作花竹妙

森秀想見圖中人拈吟鶴骨瘦我昔綰使符於此按亭橫三宿

摩豐碑點畫軼斯籀院有唐節度使李公德政碑今名風動碑羨君絳帳開山城樹

文而生徒列前檐鵠立聽講授門外雪一尺室中春滿神似聞

禮教嫻莘莘習俎豆我思胡安定經義攷索富復舊禮記注

學紫陽究今君染青藍藝林廣新標會見河汾徒將初起圭竇

桂山直叢叢灘水決清溜此間君舊游尚記句題岫素書萬里

傳離思一痕逗期君珥丹毫禁省聽宮漏

題滄浪送別圖爲梁苴林觀察

滄浪之水清且漣滄浪亭子何巋然名賢締構七百載至今草

木竹當時流寓偶寄迹後人珍護如平泉幽篁怪石翠相
映
野蔓盤窗年縣津尚書昔懷古松毛重葺繼脩櫟牙旗
薈
此吟眺賓從雜沓飛瑤箋百年佳話誰復繼空嘖素壁盤
蝸涎候官使君今大雅慧業早証蓬萊仙出領河隄熟禹貢金
隄屹立茨防堅復興廉車到吳苑陸家兄弟親陶甄仁風所煦
邦國活訟庭雨過生苔錢偶依勝地作行館高林翠阜頻畱連
使君心清本如水濯纓宜到淪漪邊風高月白入吟管永叔有
句誰能先冲襟雅度信無兩曠懷何必思前賢此圖清絕誰所
作石田瀟灑衡山妍攀轅想見移節日長紅萼蓋爭喧闐我昔
浮家客梅里杖策頻此窺壺天聽泉據石每有作詩法未悟矜
羊禪
詩話語
卅年此景懸夢寐一官薊北慚拘牽昨荷
恩言職司憲乘軺快躍江郊鸛
蘇巢旋復量移
恩
桂林
神山風引

復西去悠悠粵嶺殊山川喜君判牘乃到此凝香燕寢留佳篇
尙書昔年鎮江表韋丹惠績穹碑鐫今君才望正相亞行看慕
府開紅蓮題楣况有相公字謂尹文端公名臣勲德應差肩大猷卓
犖紀千祀豈獨好景耽瓊田側身東望興何極幾時共泛楓江
船

暮春官齋卽事

嫩寒暴暖始安城春事纔過夏已迎綠到牆頭惟竹影紅於花
底有禽聲兼旬風雨人如夢入望雲山眼倍明判牘乍閒鈴閣
靜石湖佳句和初成

易博齋茂才見和前詩復疊二律奉答

蜺旌坐擁到山城劇喜蒼嵐對面迎執憲每師仁恕績承平惟
愛雅歌聲地連五管疆原古化洽三辰教自明只願閭閻歸

詩將綏靖擬文成

早謝紛營靜意城入懷祇覺惠風迎看雲都有含和象聽雨中
藏樂歲聲尙婉澄心爲政拙敢矜老眼向書明玉溪莫嘆青萍
價七字韓碑句早成

寄懷鮑覺翁前輩卽和見贈原韻

鵲翼方貽詔霓旌倏賁塗

恩言隆

晝接遠騎肅宵驅三見頭銜易雙承

手勅殊

余與賀龜耕
廉訪對調

開門昭盛典敢擬鳳棲梧

清德湘灘接崇麾憶父兄

先君子曾屏翰楚南先兄
復秉節桂筦壤相接也

祝仍千戶

徧句記卅年賡

不渡湘水
四十年矣

柏園書猶讀荆花淚總盈家聲傳豈

易感悚每交并

蓬苑推尊宿傾心自往年向人肝膽照得句璧珠聯物望歸韓
愈經神拜服處何時重捧袂矯首企雲天

初至桂林臬署感

恩紀事敬成七律四首

聖書親捧到炎洲

詔許驂鸞作壯遊南極星高浮地軸北流水駛遶

神州輿圖直控龍編壤戍邏遙通虎落陬自是嚴疆扼天險幾

番銅柱靖戈矛

桂嶺梧江氣象雄嗟哦蒼玉映層空連峰盡作摩天勢疊浪彌
思下瀨功榕葉雨多谿霧黑橘枝香起瘴雲紅留題唐宋磨崖
遍景物千秋訝許同

亭亭嶺嶺盡耕鋤誰道蠻方土俗殊度嶺已無茹盤跣涉溪早
翻跼爲虞儘教峒戶閒弓弩肯使山棚競鼓桴願化侏離成宛
洛

聖朝文軫薄賁禹

廉車按處使符分猶憶榮華蔭粵雲共說仁聲流賈父敢誇治
行繼馮君覆盆正待懸冰照連甓還期秉燭勤指點生機階下
草好歌樂職和

南薰

游疊綵山景風閣和琴柯伯兄題壁韻

嶺山亘南荒奇勝天所縱盡起無延緣矯首獨殊衆茲山尤鬱
葱春樹綠平伸峭蒨麗晨霞峻嶒帶秋虹舉手摘星辰到眼豁
塵寰我疑登帝臺觴豆薦瓊醴又疑陟懸圃玉城砌無縫磴道

躡丹梯甘泉汲寶甕一徑渺迴旋千林森幄幪遂歷祇樹園法
乳味流渾天香飄珠旛花雨霏玉淞忽見崕呀開竊窬隱深弄
巷苔花漬巖隙藤葛掛罽空清飈何泠然摩豁動檐棟想見冲
虛仙羽輪來倥偬如聽海潮音層波鳴淙淙憑軒更登眺佳處
妙兼綜萬壑碧交流千巖青自送極望平田鋪秧苗茁如燕雀
雨正及時鴉鋤方藝種對此怡心顏非徒名蹟重歲畱宜慰題
壁嵌常侍頌棠棣愴前徽芝蘭睠羣從兄在粵時曾攜從子慙
愧記黃樓彭城對牀共

送章崑甫外兄引疾南歸卽題其邑人祖餞圖

一別二十載相逢驚老蒼今君正投紱鼓棹下衡湘蓴菜吳江
冷蘋花霽水香志和歸去好蓑笠話斜陽

河上神明宰人間襄德侯帶牛銷劍戟竹馬洽歌謳時雨膏真

遍陽春脚尙留花枝爭洗盞何異古徐州

州公賦

袁謝過從密蘇程蹤跡親那堪重把袂復此送歸輪萬里驪駒賦
三朝鶴髮身祝君勤服食行塢樂藏春

野花二首和父積堂韻

繁英故故繞天涯風物郊原也自華空谷蘭荃諧逸韻漫山桃李笑狂花一叢幽草騷人宅幾曲疎籬處士家好識陽和隨大地平泉珍卉不須誇
的鐫芳姿照水滌但滋雲露卽奇花未教九錫矜殊寵自向三春擅藻華雜錦細鋪盤埒馬亂紅紛墜啄林鴉異名不用稽含記認取歲持上苑葩

夏日官齋雜詠八首

疏窗四面繞烟鬟碧岫若嵐香藹間忽漫隔牆榕葉盛綠陰遮

住幾重山

花氣氤氳總不分
薰紅萬朶照斜曛
衆香國裏前身到
合受溫磨百和熏

夏木千章午蔭清
野禽啼徹不知名
蕭寥絕似深巖住
咫尺雲從桂礎生

涼雨聲中暑氣微
方空換却舊生衣
孤亭獨坐聽檐滴
恰似烏篷打槳歸

琅玕新引出牆梢
影入紗櫺綠暈交
更種紅蕉當戶長
翠旂展處坼香苞

那覺炎陬太鬱蒸
周遭翠木雜蒼藤
行空火繖頻移影
絕勝層崖斲雪冰

碧天如洗夜燈初
淡月玲瓏上綺疏
愛煞花陰螢數點
隨風巧

入坐衣裾

頻年鄉夢隔餘不最憶溪堂六月秋今日山齋快銷暑驂鸞真
作玉京遊

判罷官書一事無亭亭碧影卓高梧三錢買得壺盧管自寫房
山潑墨圖

簾紋如水篆香添寧地垂垂一桁簾挂起銀鉤風入戶葉聲吹
動萬牙籤

題文積堂雲陽話雨圖

開帆鐵甕城載酒曲阿市古縣緬秦餘江南風土美滄沙山雨
繁淦淦油雲起孤館一燈青簷花落如綺吳會多英賢德星聚
仁里抵掌談羲皇茗柯有妙理沈吟光祿詩感慨泉明旨望古
結遙思樓臺在雲水

見太白詩

夜坐

月色方侵堦雨聲忽在樹
嚶嚶蜻蛚鳴冉冉流螢度
荷香出碧盎蘭氣薰斜廡
獨坐軒楹間孤懷澹忘暑
安得素心人無言悟千古

過靜江舊治有懷范文穆公

大峨不作雙井逝天水高才日凌替靈威
洞穴出真仙大范聲名隆制帥立朝大節忠
孝全紀聞松漢搖吟鞭巖疆秉鉞藉懷遠
旌旗所指功巍然桂海驂鸞榮絳節百蠻坐
傾銷鋒鏑開尋洞壑徧題名墮翮書成鐫翠
壁賁禺八桂稱與區監祿鑿水灘江墟得公
妙筆剏造化奇峰秀嶺搜無餘巨刃摩天發
光采翰墨流傳六百載綰符結綬知幾人誰
似先生名不改子城樓閣嘆滄桑府治在舊子城尸祝猶聞惠澤長笑煞後人編志乘那教方鎮

涵黃堂

公經略

廣有兼知靜江府其體秩其崇蓋即唐節度之

也省志職官

表殊失考我昔臯橋曾賃廡靈祠再拜先生宇竭來持憲始

安城獨撫殘碑弔今古棲霞華景靈蹟多想見軒蓋頻經過風

流我却羨林鄭

謂林謙之鄭子融皆宋時提刑與公偕游者

勒銘水月窮巖阿提陀

主戶存遺俗捲伴莫教湑訟牘俱見桂海眼前蒼赤皆公民何

日淳風返枝鹿伏波嚴接孔明臺公獨文章起劫灰瑤簪玉筍

參天碧夢鬚雲車跨鶴來

讀蘇齋遺稿續刻感賦次新安相國夫子韻偕蘭卿侍讀

同作

坡翁仙去七百年冥冥造化誰雕鐫燕山學士北海邊妙筆直

探元豐前精華掇取糟粕捐包羅旁魄繼緇全鉤元摘要象外

天寶氣脫手光星躔珊瑚鐵網珍珠船登岱乃欲窮其巔清思

簡旨相迴旋吐藥一切除幽偏心正筆正師誠慙平阿無隘天
子田銀河陡落萬斛泉重規疊矩珠璧聯古文妙義窺明籤鈞
天樂奏張廣筵淫哇下里疇齊肩頻邀

睿賞峻秩遷鋒車校士誇精研杜門却埽手自編斯人果以名
山傳詞人壇坫空結椽上車不落徒迴邇蠅聲蚓蟻吁可憐正
始一髮千鈞延玲瓏舌本誰吐蓮公獨雅奏風冷然由基挽轂
七札穿勁褰古服光容鮮我昔經師拜服虔霄門翹首願執鞭
蒙公拂拭青眼專示之大道心縣縣郵筒往復勤詩篇羚羊挂
角空蹄筌人世飄忽風中煙忽聞楹奠雙淚漣廣陵散絕叔夜
絃雄師無復揚旌旃山頽茹痛憂難蠲臯比悵望彌拳拳司
饁版功未竣相公爲補鐘鏞宣如餐折俎羅加遵禮記光景照
八埏欲換凡骨師真仙竹風梧雨秋月圓憶公恍若前生緣

題潘瑋卿停琴待月圖

涼州舊生林秋氣澹遙夕沈沈碧宇間銀蟾影猶隔幽人屏世
慮意與寥天適獨坐契無絃孤桐撫三尺稍聞幽鳥驚漸見明
暉積素魄照冰絃清心湛瓊瑩由來太古音至和忘攬醪試聽
響泉聲冷冷竹根白

嘉平三日寒風大作桂州得雪寸許洵佳瑞也積堂以詩
見示率和其韻

我聞處士孤山廬清絕直與仙爲徒寒梅蓓蕾萬斛珠豆稽灰
落鷺毛麤紙牕竹屋興自朕豐年三白兆田隴玉山瑤圃看無
殊竭來粵嶺苦蒸熱誰記銀海翔金鳥何來朔飈頓號怒打門
如索詩人租續紛舞絮欵凌亂霰集還與飛霰俱寒蘆瑟颼眠
凍鳬板橋徑滑筇枝扶炎阪頃刻變北塞家家閉閑園紅爐爝

裴公度復重著越釀雖貴猶堪沽烹羊炰羔召賓客徑欲竹裏
開行厨安山隱君今健者冰甌滌筆纖塵無聚星白戰集羣彥
我獨文采慙歐蘇故山清景倘可說濡毫火急如追逋

汪曉門見和喜雪詩因疊前韻奉答

桂林山水真吾廬每招吟侶呼酒徒言譚罪玉筆散珠文字一
洗簿領鑪鈴齋如清水清不腴一編坐擁萬慮寂與昔舊隱無差
殊水雲先生吾石友每工索句題城烏饑驅卅載走湖海故鄉
老屋閒漁租通門孔李幸夙附鞭絲帽影南北俱喜君齒髮正
矍鑠陟山不用筇枝扶擘箋往往富奇製石鼎聲沸喧竹爐綠
知拈髭吟愈壯豈計懷寶時當沽此間作客半名士謂及諸堂
何仙帆諸
君一時才俊推顧廚蓮花幕啓盛文譙高論今古窮虛無多君
珠玉快投贈令我獨念同薈蘇大裘萬丈那得致比戶猶困追

亡通

乙酉除夕敬次 先光祿濟南臬署庚子除夕韻

一載驂鸞歲又除 幾重螺髻盡晴虛 傳家敢謂門容駟 占稼還

欣夢兆魚

今臘瑞雪曾霑桂人以為大有之兆

槐瑞槐承先澤 遠榮枝肯使舊陰

疎蒼宣正忝權漕

節宋人以官轉運使為持漕節正今布政使之任非指司漕之官也

農事彌

庶雪釋初

白鶴山房詩鈔卷十六終